

## Rathaussturm 2017

Bei eis hier im Städtle isch immer viel los,  
im Feschtle feire, da sin mir ganz groß.

Viel Radler sind heier bei eis do g'wea,  
BR Radltour, ja dia war grad schea.

Zom Wähle do musstet mir dreimal gau,  
doch jetzt hand mir en OB, den ka mer scho lau.

De Manfred, der Schilder, der isch schwer o.k.  
und die Fraue, die findet den auch richtig schea.

Ganz viel gibt's zom dua, mir schaffet wie'd Hund,  
doch zom Jaumre, do gibt es nun wirklich koin Grund.

Zum Wohle der Bürger, do sind mir gewählt,  
au wenn manche Sitzung unendlich lang quält.

Mir derfet it schimpfe, denn eiser OB  
informiert immer alle, mir findet's o.k.

Ob Bäder, IKEA und au d'Hurrenstraß  
eis wird's scho ganz wirblig und de Kämm'rer wird blass.

Beim Rothaus verteidige, do waret mir schwach,  
die Himmlische Deifel, die sind halt hellwach.

Mir wünschet ui allen a reacht schöne Zeit,  
hand Spaß und seid lustig, Helau liebe Leit!